

## DE TEMPLIS GRÆCORVM

præbeat, non eadem tamen omnibus facies est exterior, nec unus aspectus interior; sed varius, pro varietate loci & temporis, facultatibusque exstructoris, cultus atque ornatus objicitur. Quædam enim rudi pusillaque mole vilescent; alia, improbitate loli, decurtantur, deformanturque; alia, murorum exiguitate & contignationis, contemnuntur. Ut tamen sunt, veneratione sua non carent, sed frequenti credentium concursu clarescent, in quibus, satis fuerit, si res, non indecoro equidem modo, peragatur divina. At, quæ Tempi perfecti formam referunt, & in quibus, solemni ritu, vel singulis diebus, pietatis Christianæ munera obeuntur, hæc fuerint.

II. Lata quaquaversum, ut fert tamen loci conditio, planicies aperitur: in cuius medio Templum assurgit, ut, si libuerit, totum circumire, prospectuque frui valeas. Planicies hæc lapide vel latere strata, in Monasteriis undique adaperta est, nullis cancellis aut mœnibus obsita, ædiculis tantum Monachorum, & undique procurentibus viis, circumvallata; quæ eam, theatri modo, obsepiunt. Vna aliqua arbore, ex earum genere, quæ folia non perdunt, & ramis patulis humum opacant, ad arcendum solis calorem inumbratur. In urbibus vero, & frequentia hominum, ut tutior sit, munitur mœnibus: quæ cum propinquis habitantium muris, si id commode fieri potest, uniuntur. Murem Ecclesiæ dignosces ex imagine, sive Christi, sive B. Virginis, sive alterius Sancti; ut plurimum ecclesiæ Patroni, supra portam appicti, & veluti in armario, in cavo muri, omni ex parte protuberante structura, & præcipue superiori, aliquando etiam columellis marmoreis innixa, qua contra aëris aliorumque noxas munitur.

III. Satis in externis hisce immorati sumus: nam de Embolis Ecclesiæ dicemus alibi. Procede. Antequam introëas fornicem, supra portam excurrentem, varieque depictum, & vario marmorum genere interstitium, in aliis etiam templis, quod magnificenter est, vermiculatis tesserulis lepidè compostum, columnisque innixum, considerato. Sedilia ex eodem marmore inferne objiciuntur. Si lassus es ex itinere, & solis ardorem arcere, aut etiam honestis colloquiis, & studiosis dissertationibus animum recreare volueris, sedes aptissima erit. Nec te fugiat ex una parte ferrum appensum, extentum in laminam, (ego dixerim

